



Særutskrift

Arkivsak-dok. 22/00518-24
Saksbehandlar Svein Rune Notøy

Særutskrift - Reguleringsplan Aukraskogen, endring 01 - 2. gongs høyring og offentlege ettersyn

Saksgang	Møtedato	Saknr
1 Drift- og arealutvalet	18.01.2023	PS-1/23

Drift- og arealutvalet har behandlet saken i møte 18.01.2023 sak PS-1/23

Møtebehandling

Tilrådinga frå kommunedirektøren.

Votering

Tilrådinga frå kommunedirektøren vart samrøystes vedtatt.

Drift- og arealutvalets vedtak

Drift og arealutvalet viser til plan- og bygningslova § 12-10, og godkjenner at reguleringsplan Aukraskogen - endring 01, vert lagt ut til 2. gongs høyring og offentlege ettersyn i seks (6) veker.

Reguleringsplan Aukraskogen, endring 01 – 2. gongs høyring og offentlege ettersyn

Kommunedirektøren si tilråding

Drift og arealutvalet viser til plan- og bygningslova § 12-10, og godkjenner at reguleringsplan Aukraskogen - endring 01, vert lagt ut til 2. gongs høyring og offentlege ettersyn i seks (6) veker.

Bakgrunn

Reguleringsplan for Aukraskogen vart vedteken av kommunestyret i møte den 28.11.2007, sak 122/7.

I samband med skjøtselstiltak som er tenkt starta opp i Aukraskogen utover 2023, vurderte kommunen at den gjeldande tilkomstvegen som går gjennom området i dag ikkje er tilstrekkeleg dimensjonert for tilkomst og snuing av tunge køyretøy som til dømes tømmerbil. På bakgrunn av dette bestemte kommunen at det var naudsynt å gjere ei endring av den gjeldande reguleringsplanen for Aukraskogen for å kunne leggje til rette for oppgradering av denne vegen, samt gjere andre tilpassingar som kommunen såg på som naudsynte eller som kjem som ei fylgje av inntømne merknader.

Planforslaget er utarbeidd som ei detaljregulering med melding om oppstart og utlegging til høyring og offentleg ettersyn i minimum seks veker etter krava i plan- og bygningslova kapittel 12. Endringa vert i hovudsak gjort i plankart og føresegnar, men det vert og laga ny, oppdatert, planomtale. Kommunen sin sakshandsamar har undersøkt § 6, 7, 8 og 10 i forskrift om konsekvensutredningar, men finn ikkje at det vert løyst ut slikt krav. I kommuneplanen sin arealdel 2016 – 2028 er planområdet vist som detaljeringssone – reguleringsplan skal fortsatt gjelde.

Planforslaget som vart lagt ut til høyring og offentleg ettersyn omfatta fylgjande endringar:

- 1) Tilrettelegging for opprusting av eksisterande tilkomstveg med større breidde og moglegheit for snuing av tyngre køyretøy. I gjeldande reguleringsplan for Aukraskogen, vedteken 28.11.2007, er den eksisterande tilkomstvegen gjennom området vist som «turveg», men er i nytt planforslag endra til «køyreveg» (sosi-kode 2011) som er meir i samsvar med faktisk bruk. Snuing er løyst ved å lage ei «rundkøyving» i form av ei sløyfe på den eksisterande vegen slik det går fram av plankart.
- 2) To automatisk freda kulturminne, eit gravfelt med ID 92189, og ei gravrøys med ID 228592 vart tatt inn i plankartet og vist med omsynssone H730 og H750, og tilhøyrande tekst i føresegnene etter kra frå Møre og Romsdal fylkeskommune.
- 3) Eit nyare tids kulturminne, Tangen fangeleir, vart tatt inn i planforslaget og vist med omsynssone H570 etter krav frå Møre og Romsdal fylkeskommune. Lokaliseringa var usikker, men endeleg plassering vart bekrefta av Møre og Romsdal fylkeskommune i deira merknad i samband med høyring og offentleg ettersyn, og plandokumenta som vil bli oppdatert med endringa når planen skal til 2. gongs høyring og offentlege ettersyn.
- 4) Eksisterande stiar vart vidareført i nytt planforslag og vist med arealføremålet «turveg» (sosi-kode 3031).
- 5) Eksisterande gapahuk er tatt inn i nytt planforslag og vist med arealføremålet «andre typer bebyggelse og anlegg» (sosi-kode 1500).
- 6) Store delar av planområdet er avsett til statleg sikra friluftsområde og vernskog. Samstundes er det registrert artar av stor forvaltningsmessig interesse, i tillegg til den allereie godt etablerte bøkeskogen. I det nye planforslaget vart det derfor tatt inn ei omsynssone for naturmiljø og friluftsliv for å ivareta desse verdiane for framtida.
- 7) Alle arealføremåla innanfor planområdet er oppdatert slik at dei er i samsvar med gjeldande plan- og bygningslov (PBL 2008).
- 8) Det er tatt inn i føresegnene at skjøtselstiltaka skal gjennomførast slik det er tilrådd i «Oversiktsplan, forvaltning og drift av Aukraskogen på Gossen, Aukra kommune» (Miljøfaglig

utredning AS, 2019) som ligg ved saka. Skjøtselstiltaka skal utførast av firma med spesialkompetanse innanfor dette feltet, og det vert lyst ut konkurranse i fyrste halvdel av 2023.

Behov for andre gongs høyring og offentleg ettersyn

Grunna motsegn til planforslaget frå Møre og Romsdal fylkeskommune under fyrste gongs høyring og offentlege ettersyn som må avklarast, samt behov for omfattande endringar i plankart og føresegner basert på innkomne merknader elles, har kommunen vurdert at planforslaget skal leggst ut til andre gongs høyring og offentleg ettersyn. Planforslaget som vert lagt ut til andre gongs høyring og offentleg ettersyn omfattar fylgjande endringar :

- 1) I det reviderte plankartet er parkeringsplassen som ligg ved fylkesveg 530 lengst nord i planområdet fjerna frå plankartet i h.h.t. merknad.
- 2) I det reviderte plankartet er parkeringsplassen sentralt i området flytta 65 meter mot syd og det er tatt inn snuplass for søppelbil på motsatt side av vegen då dette er i samsvar med faktisk situasjon på staden.
- 3) I det reviderte plankartet er det tatt inn byggegrense på 50 meter mot framtidig veganlegg (Kjerringsundet) i h.h.t. merknad frå Statens vegvesen region midt.
- 4) I det reviderte plankartet er omsynssone for naturmiljø og friluftsliv endra til å omfatte naturverdiar og kulturhistoriske verdiar i h.h.t. merknader frå Statsforvaltaren i Møre og Romsdal og Møre og Romsdal fylkeskommune, omsynssona er vist med skravur og teksten H560 på plankartet. Omsynet til lokalt og statleg sikra friluftsliv vert tatt i vare gjennom bruk av reguleringsføreåret «friområde» med tilhøyrande føresegner.
- 5) I det reviderte plankartet er friområda namnsett med «O_Fri 1-24» for lettare å skilje dei.
- 6) I det reviderte plankartet er teksten «Tangen fangeleir» erstatta med «krigsminne» i h.h.t. merknad frå Møre og Romsdal fylkeskommune.
- 7) Teksten under punkt «bevaring av kulturmiljø – H570» i føresegnene er oppdatert med tilrådd tekst i h.h.t merknad frå Møre og Romsdal fylkeskommune.
- 8) Teksten i punkt 3.1, 3.2, 3.4 og 3.6 i reguleringsføresegnene er justert i h.h.t. merknad frå Statsforvaltaren i Møre og Romsdal.
- 9) Teksten i punkt 1 og 3.9 i føresegnene er endra i h.h.t. merknad frå Møre og Romsdal fylkeskommune
- 10) Det er teken inn ein tekst under punkt 3 i føresegnene som seier at dersom ein i samband med arbeid i området kjem over noko som kan være automatisk freda kulturminne pliktar ein å stoppe arbeidet og ta kontakt med kulturavdelinga i Møre og Romsdal fylkeskommune for avklaring.
- 11) Det er lagt ved eit vedlegg som viser prioriterte område for hogst i Aukraskogen i h.h.t. merknad.
- 12) Det er lagt ved planomtale slik at motsegn frå Møre og Romsdal fylkeskommune i samband med fyrste gongs høyring og offentleg ettersyn er imøtekomen.

Vurdering

Det blei varsla oppstart av planarbeidet via brev til berørte partar, og som annonse i Romsdal Budstikke den 08.07.2022. Frist for å kome med merknader til planforslaget vart sett til 25.08.2022 (utvida frist grunna ferieavvikling), og det kom inn totalt seks merknader.

I medhald av plan og bygningslova § 12-10, vedtok Drift og arealutvalet i møte den 12.10.2022, sak PS-15/22, å leggje ut planforslaget ut til høyring og offentleg ettersyn. Planforslaget låg ute til høyring og offentleg ettersyn i perioda 17.10.2022 – 01.12.2022, og det kom inn totalt ni merknader. Nedanfor er disse kort refererte og kommenterte (merknadane i si heilheit ligg under vedlegget «innkomne merknader etter høyring og offentleg ettersyn»):

1) Merknad frå Åmund Julnes, datert 18.10.2022

Julnes viser til parkeringsplassen som ligg ved fylkesveg 530 lengst nord i planområdet, og ønsker denne fjerna frå planforslaget. Parkeringsplassen ligg ved avkøyrsla til ein eksisterande skogsbilveg som fungerer som tilkoms til eigedomane med adresse Aukravegen 179, 177 og 175. I samband med søknad om bustadbygging en på Aukravegen 177 hadde Statens vegvesen motargument mot plasseringa av parkeringsplassen grunna trafikktryggleik ved avkøyrsla. Det er også eit område der det vert drive mye jakt slik at avgrensa ferdsel er ein fordel. Han viser til at det dessutan er ein stor parkeringsplass ved Aukrahallen/kirka med tursti til Aukraskogen.

Kommentar:

Parkeringsplassen er fjerna frå planforslaget som vert lagt fram for eigengodkjenning. Parkeringsplassen har ikkje blitt etablert, og vil truleg heller ikkje bli det i framtida. Det er og som Julnes seier godt tilrettelagt for parkering ved Aukrahallen/kirka slik at behovet for denne parkeringsplassen ikkje lengre er til stades i like stor grad.

2) Merknad frå Roar Johansen, datert 18.10.2022

Johansen etterspør kvar det er tenkt å starte med skogrydding fyrst, og meiner at det ville være fornuftig å starte med tre som ligg nærmast busetnad, då mange av desse har blitt så store at dei kan utgjere fare for velt og skade på eigedomar.

Kommentar:

Kommunen viser til vedlegget «Prioriterte områder for hogst» som er områder landbruksavdelinga i kommunen har tilrådd for start av uttak. Områda som ligg over fergekaia er eit av dei høgaste prioriterte områda, saman med bøkeskogen og eit område nordvest i skogen (felt 1 – 3). På felt 4 er det planlagt å ta ut ein del lerk i samband med utbetring av drenering ved dei innerste bustadane på oversida av Skogvegen. Felt 5 er eit område der grunneigarane sjølve kan stå for felling av tre dei meiner kan utgjere ei fare, men då under føresetnad at dette skjer i dialog med kommunen. Kommunen presiserer samstundes at felta som er vist på kartet kun er tilrådingar, uttaksområda vil vere under fortløpande vurdering underveis i arbeidet og kan verte endra.

3) Merknad frå Sigurd Julnes, datert 20.10.2022

Julnes viser til sin tidlegare merknad i høve melding om oppstart datert den 09.08.2022 og viser til at dei ca. siste 45 metrane av tilkomstvegen til eigedomane på Skogvegen 4, 6, 8, 10 og 12 ligg på kommunal grunn og derfor bør takast med i planforslaget. Snuplassen som er vist i plankartet er også feilplassert og må endrast.

Kommentar:

Tilkomstvegen til eigedomane på Skogvegen 4, 6, 8, 10 og 12 ligg i reguleringsplan for Aukrasanden - endring 01, vedteken 25.05.2005. Det same gjeld parkeringsplassen som er innteikna vest for eigedomane på Skogvegen 8 og 10. Dersom kommunen skal gjennomføre ei seinare endring av reguleringsplan Aukrasanden - endring 01 vil ein gjere dei endringane som Julnes etterspør (ta ut feilplassert parkeringsplass frå plankartet og flytte denne om lag 25 meter mot syd slik at den vil bli i samsvar med faktisk situasjon).

4) Merknad frå råda, datert 26.10.2022

Eldrerådet hadde ingen merknader til planforslaget.

Rådet for menneske med nedsett funksjonsevne ber om at dei kommunale stiane i Aukraskogen vert rusta opp slik at dei vert universelt utforma og tilgjengelege for alle. Noko av veden som vert tatt ned bør gis til tiltak for funksjonshemma.

Kommentar:

Stiane i Aukraskogen vart etablert på ei tid då krava til universell utforming ikkje var like sterke som dei er i dag. Store delar av stiane i Aukraskogen er av ein kvalitet som gjer at dei kan nyttast av alle,

medan andre ikkje er det, typisk i samband med at krav til stigningstilhøve ikkje er oppfylt eller at dei på enkelte stader er noko smale. Opprusting av turstiane i Aukraskogen slik at dei blir i henhold til krava som gjeld for universell utforming i dag vil verte uforholdsmessig kostbart og lite realistisk gjennomførbart, og er heller ikkje noko kommunen har med i budsjettet sitt. Kommunen mottok i 2022 ei løyving på 55 000 kroner til skøtselstiltak i statleg sikra friluftsområde som vart nytta til vedlikehald langs turstiane for å gjere dei åpnare og meir tilgjengelege. I samband med seinare skøtselstiltak langs turstiane vil kommunen sjå på moglegheitene for ulike tiltak som til dømes å gjere stiane breidare enkelte stader, etablere møteplassar etc.

I samband med at det vert starta opp arbeid med uttak av tømmer vil kommunen, i samråd med aktuelt firma som vert valt til å utføre jobben, vurdere om deler av tømmeret som ikkje er salgbart kan donerast til dagsenteret og tiltak for personar med nedsett funksjonsevne.

5) Merknad frå Statens vegvesen region midt, datert 31.10.2022

Statens vegvesen sitt innspel vedrørende avgrensing i høve reguleringsplan for Kjerringsundet er ivareteke.

Føremålet som er regulert til friområde opner for oppføring av konstruksjonar og anlegg som fremjer bruk, der det gis eksempel som gapahuk, benker og bord.

Den nordlege delen av plankartet ligg innanfor byggegrensa til framtidig veganlegg - 50 meter i h.h.t. veglova § 29 – det bør derfor teiknast inn byggegrense i samråd med vegmynde.

Kommentar:

Det er teikna inn ei byggegrense på 50 meter i dei nordlegaste delane av plankartet som tilrådd i merknaden. Byggegrensa er rekna frå senterlinja til framtidig veganlegg slik det går fram av gjeldande reguleringsplan for Kjerringsundet vedteken 18.06.2019. Sjå også vedlegget «Byggegrense mot framtidig veganlegg».

6) Merknad frå Statsforvalteren i Møre og Romsdal, datert 21.11.2022

Planføresegn 3.1 og 3.6 bør ikkje referere til «vidareført i nytt planforslag». Det same gjeld punkt 3.2 og 3.4 der det også er visning til opphavleg reguleringsplan eller nytt planforslag.

Planføresegn 3.6, andre avsnitt er lite presis, teksten «skal samsvare med områda rundt» opnar for eit stor grad av skjønn. Dersom kommunen meiner tiltak skal tilpassast naturen i området så bør det være konkrete krav om at det skal byggast i tre, nyttast naturfargar, maks høgde og storleik på gapahuk m.m.

Omsynssone H560 er ei sone der det skal takast særleg omsyn til bevaringa v naturmiljø. Det vert tilrådd at kommunen ikkje blandar friluftsimteressar og naturmiljø i same omsynssone. Kanskje arealføremålet «friområde» sørgjer for tilstrekkeleg omsyn til friluftsimteressene?

Det ser ikkje ut til at omsynssone H560 ligg inne i plankartet sendt på offentleg ettersyn, og her må plankartet verte oppdatert.

Kommentar:

Tekst som refererer til «vidareført i nytt planforslag», samt viser til «opphavleg planforslag» eller «nytt planforslag», er teken ut frå punkt 3.1, 3.2, 3.4 og 3.6. i reguleringsføresegnene som tilrådd i merknaden.

Teksten i reguleringsføresegnene punkt 3.6, andre avsnitt, som seier at «slike konstruksjonar og anlegg skal utformast på ein slik måte at dei samsvarer med områda rundt» er tatt ut og erstatta med: «Slike konstruksjonar og anlegg skal utformast i tre og ha naturfarge. Gapahuk kan oppførast med maksimal byggehøgde på 3 meter over gjennomsnittleg planert terreng, og maksimal storleik skal ikkje overstige 25 m²».

Plankartet og reguleringsføresegnene punkt 3.9 er endra slik at omsynssone H560 (bevaring av naturmiljø) no kun omfattar vernskog og naturverdiar av forvaltningsmessig interesse som tilrådd i merknaden.

Reguleringsføresegnene punkt 3.6 er endra slik omsynet til friluftsinnteresser og statleg sikra friluftsliv no kjem innunder arealføremålet «friområde» (O_FRI 1-24) som tilrådd i merknaden.

7) Merknad frå Opplysningsvesenets fond, datert 28.11.2022

Føresegna til offentleg friområde framstår som noko «park-aktig». Det før framgå tydelegare at vanleg hogst/skogbruk er tillatt. Dersom det er intensjonen at grunneigarar ikkje skal kunne drive skogbruk, men kun skjøtselstiltak i form av uttak av framande treslag, vil Opplysningsvesenets fond be om erstatning for tapt tømmerproduksjon.

Kommentar:

Dei offentlege friområda er i det reviderte planforslaget inndelt i nummer, O_FRI 1-24, og dei områda som omfattar Opplysningsvesenets fond sine eigedomar (O_Fri 1-3) har fått følgjande tillegg i reguleringsføresegnene punkt 3.6, avsnitt 3:» Innanfor område O_FRI 1-3 er vanleg hogst/skogbruk tillatt».

8) Merknad frå Berit Drejer – kulturkonsulent i Aukra kommune, datert 30.11.2022

Aukraskogen i kulturmiljøplanen

Aukraskogen i seg sjølv, gravrøysene og krigsminna utgjer eit samla kulturmiljø, i tillegg til å vere friområde grøntområde og rekreaasjonsområde. På grunn av den spesielle historia når det gjeld planting av Aukraskogen, er skogen valt til eit av kulturminna i Aukra kommune, og er med i Aukra kommune sin kulturmiljøplan som er under utarbeiding. Det er viktig at den spesielle historia til Aukraskogen vert kjent, og at skjøtselstiltaka som skal gjennomførast bidreg til å ta vare på identiteten til skogen. Dei framande artane som vi si tid vart planta er med på å gjere Aukraskogen til det spesielle, verneverdige kulturminnet som den er. Derfor er det viktig at desse artane vert tekne vare på og skjotta på ein god måte i framtida, dette må også kome fram i reguleringsplanen.

Krigsminna i skogen inngår i ein langsiktig plan for skjøtsel, tilrettelegging og turistinformasjon. Det skal utarbeidast nye informasjonsskilt om historia til skogen og dei andre kulturminna som ligg her.

Skjøtsel av Aukraskogen

Reguleringsplanen nemner uttak av lerk som ein del av skjøtselstiltaka som er tenkt gjennomført. Det vert presisert at sjølv om ikkje lerk er eit stadeigent treslag, og soleis kan definerast som ein uønska art, er det viktig at uttak av lerk nettopp er skjøtsel og ikkje fjerning av arten. Lerketrea er ein del av den opphavlege treplantinga og dei er derfor ein viktig del av Aukraskogen som kulturminne.

Skjøtsel og uttak av lerk må derfor skje med mål om å ivareta denne arten i skogen.

Sitkagrana er ikkje ein del av den fyrste plantinga, men er planta som ein del av den leplantinga som vart gjort frå 60-talet og utover. Sitkagran kan det med fordel takast ut mykje av då denne arten har stort vekstpotensiale, tek mykje plass, og kan fortrenge andre artar.

I reguleringsplanen er det nemnt at nyplanting av furu kan vere aktuelt. Dette bør gjerast med rettleiing frå fagperson, nettopp med tanke på Aukraskogen som kulturminne. Møre og Romsdal fylkeskommune har ei tilskotsordning på skjøtsel og pleie av kulturminne, der det truleg vil vere høve til å søke midlar til arbeid i Aukraskogen.

Kommentar:

Aukraskogen i kulturmiljøplanen

I samband med at planforslaget skal leggst ut til 2. gongs høyring og offentlege ettersyn, vil det bli utarbeidd ein planomtale som vil seie litt meir utfyllande om historikken til Aukraskogen, og dei planlagde skjøtselstiltaka. Målet med skjøtselstiltaka er å fjerne ein del sitkagran, tynne ut andre treslag, samt nyplante med stadeigne treslag der dette er aktuelt. Dette inkluderer også tiltak i og rundt kulturminna slik at desse ikkje står i fare for å verte skada, og for at dei skal verte meir synlege og tilgjengelege. Kommunen er samstundes kjent med at fleire av treslaga i Aukraskogen som er å sjå på som framande artar, til dømes lerk, er med på å gi skogen det særegne preget som den er kjent for, og det vert derfor presisert at skjøtselstiltaka ikkje skal fjerne desse treslaga, men kun tynne dei ut slik at dei kulturhistoriske verdiane fortsatt vert tekne i vare. Dette er også tatt inn som ein tekst i reguleringsføresegnene punkt 3.6.

Skjøtsel av Aukraskogen

Det er sitkagran som vert prioritert for uttak, desse har stor spreidingsevne, vekstevne og utkonkurrerar lett andre artar. Skogbotnen under sitkagrana er oftast livlaus og trea veks svært tett slik at dei skygger for lys, og ferdsel vert vanskeleg. Ved fjerning og uttynning av sitkagran kan ein stimulere til vekst av nye artar i skogbotnen, men ein må samstundes vere merksam på at også andre uønskaa artar kan få tilsvarande betre veksttilhøve, for eksempel raudhyll.

Dersom det vert aktuelt med nyplanting av stadeigne artar, vil kommunen rådføre seg med person eller firma med spesialkompetanse innanfor dette feltet, slik at arbeidet vert fagleg utført.

Kommuna er i gang med å undersøke ulike støtteordningar som kan være aktuelle, inkludert tilskot til skjøtsel og pleie av kulturminne gjennom Møre og Romsdal fylkeskommune.

9) Merknad frå Møre og Romsdal fylkeskommune, datert 08.12.2022 (fekk utsett frist)

Planfaglege merknader

Det er ikkje lagt ved planomtale til reguleringsframlegget. I medhald av plan- og bygningslova § 4-2 har derfor Møre og Romsdal fylkeskommune motsegn til planforslaget inntil planomtale ligg føre.

Automatisk freda kulturminne

Det står fleire store grantre i gravrøys ID 228592. I samband med skjøtselstiltak må grantrea som veks i gravrøysa bli hogd så langt ned som mogleg, men at ein ikkje dreg opp røter. Det er også viktig å felle trea på ei så skånsam måte som mogleg. Det må samstundes fjernast sitkagran i forkant av den store gravrøysa ID 92189 inne i Aukraskogen slik at ein får tilbake utsynet mot sjøen. Trefellinga må varslast til kulturavdelinga i Møre og Romsdal fylkeskommune før tiltaka tek til, og dette bør fastsettest i føresegnene.

Dersom ein under arbeid kjem over noko som kan vere automatisk freda kulturminne, til dømes funn av konsentrasjonar av stein, kolhaldige jordlag m.m., pliktar ein å stoppe arbeidet og ta kontakt med kulturavdelinga i Møre og Romsdal fylkeskommune for avklaring jf. kulturminnelova § 8 andre ledd. Tiltakshavar pliktar å underrette den som skal utføre arbeidet om dette, men står også sjølv ansvarleg for at regelverket blir overhalde.

Kulturminne frå nyare tid – Aukraskogen

Aukraskogen er eit verneverdig kulturminne som fortel om starten på skogplantinga i fylket og Noreg. Aukraskogen vart etablert i 1876 av presten Kaurin som både var teolog og biolog. Kaurin var ein pioner som hadde mykje å seie for at skogplantingssaka fekk eit så godt fotfeste i fylket, og at Aukraskogen såleis representerer ein viktig del av skogbruket si historie i fylket. I fylgje bygdebok for Aukra vart det planta til saman 26 300 bar- og lauvtreplanter (buskfuru, norsk furu, kvitgran, ask, alm, lerk, austerisk furu) mellom 1876 – 1879.

Det er frå nokre hald hevda at Aukraskogen er eit aboret. I skogselskapets jubileumsbok og bygdebok for Aukra er Aukraskogen omtalt som eit plantefelt og ikkje som eit arboret. Når ein ser på storleiken av arealet og talet på tre som er planta, er det nærliggande å tenke at dette fyrst og fremst var eit

plantefelt. Men sidan skogen høyrer til prestegarden og ikkje ligg langt frå kyrkja, kan det tenkast at delar av skogen var tilrettelagt med tanke på formidling og rekreasjon, og ikkje berre forskning.

Omsynssone for friluftsliv og naturmiljø

Ein stor del av Aukraskogen er gitt omsynssone H560, bevaring av friluft og naturmiljø. I sin merknad til høyring og offentleg ettersyn føresleg statsforvaltaren å fjerne naturmiljø frå omsynssona. Møre og Romsdal fylkeskommune støttar forslaget og føresleg å endre omsynssona til H570, kulturminne.

I dokumentet «Oversiktplan, forvaltning og drift av Aukraskogen» vedlagt saka står det at framande artar må fjernast, mellom anna lerk som er planta i Aukraskogen, og som etter Møre og Romsdal fylkeskommune si vurdering har kulturhistorisk verdi. Det vert tilrådd at det vert utarbeidd ein skjøtselsplan som avklarar korleis skogen skal bli skjøtta for også å ta i vare dei kulturhistoriske kvalitetane ved skogen.

Forslag til justering av føresegner

Møre og Romsdal fylkeskommune etterspør fylgjande endringar i reguleringsføresegnene:

- Under § 1 må en føye til setninga «Bevare og regulere skjøtsel av Aukraskogen som eit kulturminne av regional verdi».
- § 3.9 første ledd vert føreslege endra til «Føremålet omfattar område for statleg sikra friluftsområde, natur- og kulturhistoriske verdier, og skal vere med på å sikre desse verdiane for framtida».
- § 3.9 vert føreslege endra til «...fjerning av sitkagran og tynning av skog utan å øydelegge dei kulturhistoriske verdiane. Skjøtsel av skogen skal skje på ein skånsam måte utan køyreskader og minst mogleg slitasje på skogbotnen. Målet er å ta vare på dei gamle treslaga planta på 1870-talet, men å hindre spreiding til andre område».
- Føresegnene bør bli tilførd fylgjande passus: «Under planlegginga av hogst/uttak av skog, skal regional kulturvernmynde ha høve til på vere med på å blinke uttaket».

Kulturminne frå nyare tid - krigsminne

Møre og Romsdal fylkeskommune har fått avklart at Tangen fangeleir låg utanfor planområdet, og at muren og dei spora som er merka på plankartet er andre kulturminne frå krigens dagar. I plankartet har spora og området rundt fått omsynssone H570. Det vert bede om at teksten «Tangen fangeleir» på plankartet vert endra til «Krigsminne» og at ID-merke vert teke vekk.

I den tilhøyrande teksten under punktet «Bevaring kulturmiljø – H570» i føresegnene etterspør Møre og Romsdal fylkeskommune fylgjande endringar:

- Ta ut «Tangen fangeleir» og erstatt med «Krigsminne».
- Legg til «sporet etter krigsminnet skal takast vare på, skal ikkje påførast skade, og kan ikkje fjernast. Tre og annan vegetasjon som veks for tett på og som skadar kulturminna kan fjernast og skjøttast

Kommentar:

Planfaglege merknader

I planforslaget som vert lagt ut til 2. gongs høyring og offentlege ettersyn er det vedlagt planomtale som krevd i merknaden. Grunnlaget for motsegna fell derfor bort, og kommunen ber om at Møre og Romsdal fylkeskommune formelt trekker denne slik at planforslaget kan leggjast fram for eigengodkjenning.

Automatisk freda kulturminne

Kommunen skal sikre at det firmaet som vert tildelt arbeidet med skjøtselstiltaka i Aukraskogen er kjent med at trea som veks i gravrøysa skal kappast så langt ned som mogleg og at røtene ikkje må

fjernast då det kan medføre skader på kulturminna. Skjøtselstiltaka skal inkludere fjerning av sitkagran for å gjere kulturminna meir synlege og tilgjengelege. Kulturavdelinga i Møre og Romsdal fylkeskommune vil bli varsla i samband med oppstart av tiltaka, dette er og tatt inn i reguleringsføresegnene under punkta «bandlegging etter lov om kulturminner - H730» og «bevaring kulturmiljø – H570»

Det er teke inn ein tekst i føresegnene som seier at «dersom ein i samband med arbeid i området kjem over noko som kan være automatisk freda kulturminne pliktar ein å stoppe arbeidet og ta kontakt med kulturavdelinga i Møre og Romsdal fylkeskommune for avklaring, jf. kulturminnelova § 8, andre ledd. Tiltakshavar pliktar å underrette den som skal utføre arbeidet om dette, men står også sjølv ansvarleg for at regelverket vert overhalde».

Kulturminne frå nyare tid – Aukraskogen

Tatt til vitande.

Omsynssone for friluftsliv og naturmiljø

Statsforvaltaren rår i sin merknad til høyring og offentleg ettersyn at kommunen ikkje blandar friluftsinnteresser og naturmiljø i same omsynssone, og at reguleringsføreemålet «friområde» kanskje sørgjer for tilstrekkeleg omsyn til friluftsinnteressene. Kommunen har derfor valt å nytte omsynssone H560 for å ta vare på naturverdiane og dei kulturhistoriske verdiane knytt til Aukraskogen. Omsynssona er vist med skravur og teksten «H560» på det reviderte plankartet.

Oversiktsplan, forvaltning og drift av Aukraskogen er kun retningsgivande for skjøtelsesarbeidet. Målet med skjøtselstiltaka er å fjerne ein del sitkagran, tynne ut andre treslag, samt nyplante med stadeigne treslag der dette er aktuelt. Dette inkluderer også tiltak i og rundt kulturminna slik at desse ikkje står i fare for å verte skada, og for at dei skal verte meir synlege og tilgjengelege. Kommunen er samstundes kjent med at fleire av treslaga i Aukraskogen som er å sjå på som framande artar, til dømes lerk, er med på å gi skogen det særegne preget som den er kjent for, og det vert derfor presisert at skjøtselstiltaka ikkje skal fjerne desse treslaga, men kun tynne dei ut slik at dei kulturhistoriske verdiane fortsatt vert tekne i vare. Dette er også tatt inn som ein tekst i reguleringsføresegnene punkt 3.6.

Forslag til justering av føresegner

Føresegnene er endra slik det er tilrådd i merknaden.

Kulturminne frå nyare tid – krigsminne

I det reviderte plankartet er teksten «Tangen fangeleir» tatt ut og erstatt med «Krigsminne», som krevd i merknaden.

Teksten under punktet «bevaring av kulturmiljø – H570» er endra slik det er tilrådd i merknaden.

Konklusjon

Dei innkomne merknadane etter 1. gongs høyring og offentlege ettersyn er så langt det let seg gjere tekne til vitande og innarbeidd i planforslaget, samstundes er Møre og Romsdal fylkeskommune si motsegn imøtekommen gjennom at det er utarbeidd planomtale som vert vedlagt saka når denne skal til 2. gongs høyring og offentleg ettersyn. Planforslaget vert derfor tilrådd lagt ut til. 2. gongs høyring og offentlege ettersyn.

Det nye planforslaget skal erstatte gjeldande reguleringsplan for Aukraskogen, vedteken 28.11.2007, i si heilheit med fylgjande unntak: Eit område på om lag 3.2 dekar regulert til «offentleg friområde» skal fortsatt gjelde. Grunnen til dette er at dette området ikkje er mogleg å inkludere i det nye planforslaget då reguleringsplan for Kjerringsundet, vedteken 18.06.2019, fragmenterer området slik at det ikkje let seg gjere å få eit samanhengande planområde, jf. vedlegget «restareal som fortsatt skal gjelde».

Administrative konsekvensar

Ingen.

Folkehelsekonsekvensar

Aukraskogen er eit av kommunens fremste og viktigaste tur område, og har stor verdi for innbyggjarane som opplevelses- og rekreasjonsområde. Skjøtselstiltaka som det nye planforslaget legg til rette for vil vere med på å Aukra tilgjengelegheita og opplevelsesverdien ytterlegare, noko som er positivt for den generelle folkehelsa.

Økonomiske konsekvensar

Ingen.

Gerd Nerbø
Teknisk sjef

Geir Janos Göncz
Kommunalsjef plan og utvikling

Gerd Marit Langøy
Kommunedirektør

Særutskrift

Etter adresseliste.

Vedlegg

- Plankart revidert 06.01.2023
- Føresegner revidert 06.01.2023
- Planomtale datert 11.01.2023
- Gjeldande reguleringsplan før endring 01
- Plankart ved fyrste høyring og offentlege ettersyn
- Lokalisering
- Oversiktsplan, forvaltning og drift av Aukraskogen (2019)
- Prioriterte område for hogst
- Restareal som fortsatt skal gjelde
- Byggegrense mot framtidig veganlegg

RETT UTSKRIFT
DATO 18.januar.2023